



# DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ  
Orthodoxorum Medicorum Patrono.

## QUÆSTIO MEDICA,

CARDINALITIIS DISPUTATIONIBUS  
manè discutienda in Scholis Medicorum, die Jovis vigesimo-nono  
mensis Martii, Anno Domini M, DCC. LIX.

PRÆSIDE

M. BERNARDO DE JUSSIEU,  
Regi à Confiliis & Secretis, Regiæ Scientia-  
rum Academiæ & Societatis Londinensis So-  
cio, in Horto Regio Botaniçes Prodemonst-  
ratore, Doctore Medico.

*An conspirantibus Medicis & Magistratibus, Sanitas publica conservari,  
& morbi præcaveri possint,*

I.



Y GIEINE prima Medicinæ practicæ pars in tres dividitur sec-  
tiones, prima exponit signa sanitatis præsentis & modum cor-  
poris in statu sano servandi *συντηρητικὴν* nuncupatur; altera docet  
præcavere morbos nascentes illosque prævidere *προφυλακτικὴς* vocatur;  
ultima (a) quæ *γεραιολογία* dicitur, festinantia mortalium fata  
moratur, (b) & declarat quæ ad corporis longævitatē conducant.

(a) Gereologiam. Hygieinæ adjunxit baco veru-  
lam de dignit. & augment. scient. lib. 4. cap. 2. [retardatio consumptionis, probitas reparatio-  
nis, renovatio ejus quod veterascit. cc

intentiones ad vitam prolongandam sent, (b) ~~hæ~~ medicinæ pars, omnium nobilissimæ

A

huius scientiæ utilitas, & præstantia, ex eo manifestè evincuntur, quod à firmâ valetudine corporis vigor & alacritas, mentisque acies pendeant: hûc accedit quod, cum inter homines ferè nemo sit, qui in usu fex rerum non naturalium ab utilibus noxia possit discernere, ad Medicos confugiendum est, qui toti sunt in dignoscendis lædentibus, & juvantibus rebus, quemcumque casum fortiaur corpus humanum. Principia Physicæ tum dogmaticæ tum experimentalis & anatomes quibus hygieine adstruitur, ejusdem arguunt certitudinem. Denique si, quod nemo sanæ mentis negaverit, felicius morbo venienti occurritur, quam longâ morâ invalescenti medetur; nascentemque opprimere quàm curare provectum facilius & tutius sit; Quis dubitet quin his maximè casibus ars medendi sibi successum suo jure possit spondere, cum rectè observantur Hygieines regulæ? Nulla medicinæ pars, inquit Hoffman, (c) tam in potestate Medici est quàm Hygieine & hîc maximè valet illud Nasonis Dictum (d).

*Principiis obsta, serò medicina paratur*

*Cum mala per longas invaluere moras.*

A sapientissimâ antiquitate maximo in pretio habebatur Hygieine, tuncque Medici salutabantur *αγνιστοι*; qualia hodiè præsidia soli Principes sibi circumdant; eam tamen medicinæ partem colimus, futuri tum nobis, tum amicis utiles; quos si paucissimos exceperis, cæteri homines aut suis distracti negotiis, aut libidinibus passim obstrepentibus advocati, curam suæ valetudinis aut summæ providentiæ demandant, aut principibus, quorum ut floreant civitates, id maximè interest, ut scilicet omnes cives tuto, diu & prosperè vivant.

Luræ talis est situs, ut hostiles aditus longo despectet intervallo, tuta foris; ea est interius disciplina, ut hinc sapientiâ legum indè magistratum vigilantia procurante, quietissimè regatur tuta domi; sed latent occulti insidiatores vitæ civium hostes, magistratibus simul & medicis publicæ sanitatis vindicibus custodibusque debellandi, ne quid à causis externis incolæ capiant detrimenti, neve domesticarum causarum lædantur violentiâ vel malignitate. Illi salutis publicæ hostes, sunt causæ morborum communes quas veteres Medici non olfacientes, morbos quosdam credidè divinitus immisos; Homero autore, disci potest (e) « morbos tunc ad iram Deorum immortalium relatos esse, & ab iisdem opem posci solitam: » at nos hodiè non hunc potiùs quam illum morbum à cælo afflari credimus, nec ullum phænomenon in naturâ observari cujus ratio labore improbo deprehendi non possit.

Detectis semel his morborum causis à Medicis salutis publicæ invigilantibus, qui præsent, juvante consilio Medicorum, vulgaribus malis communia debent adhibere remedia, quæ quantum causa mali læ vagatur, tantum & ipsa pateant. Quam civitatibus prodesse possit, illa Medicorum & Magistratuum consensio, cognoscebat Plato cum scripsit; (f) « malæ & indecoræ morum culturæ in urbe nullum majus habere poteris argumentum quam indigere Medicis Magistratibusque summis; & in alio loco, (g) major in republicâ necessitas est Medicorum quam mercatorum. »

Jam Regum in suos amor, & Magistratuum prudentia, commonentibus crebro Medicis, iisque semper suadentibus, plurimas tulere leges easque sapientis-

est; Medici non propter necessitatem honorantur, sed propter donum ex terrenis quasi maximum ejus poterunt esse secundum Deum dispensatores. » Sylva sylv. Bacon.

(c) Hoffman. oper. tom. 1. part. 3. cap. 2.

(d) Ovid. Ars Amandi.

(e) Cornel. Celsi, de med. lib. 1. præf.

(f) Plato de republ. lib. 3.

(g) Plato in gorgia.

simas, quibus illud est propositum, ut quidquid civium sanitati potest officere aut procul amoveatur aut saltem coerceatur. Nobis animus est hinc demonstrare, tam ex legibus jam latis (g) quam ex iis quas ad publicam utilitatem instituendas suadebimus, posse civium sanitatem vigere incolumem, multosque arceri morbos à plebe potissimum, quàm quidem reipublicæ parte nulla est, aut numero frequentior, aut operâ utilior, nulla tamen, ut plurimum deserta magis; ei scilicet parti meum laborem imprimis dico, ducibus clarissimis Ramazzini (h) & Hecquet (i) & dum quæ publicæ sanitati noceant & quo pacto possint amoveri inquiri, id solum studeo ut meâ operâ tot meritis in patriæ thesaurum à saluberrimâ facultate Parisiensi (k) collatis, quasi obolus accessisse videatur. Multiplicis generis sunt quæ salutis publicæ obstant. 1°. Sunt plura maximi momenti quæ vitari nequeunt, qualia aer, aqua, alimenta, panis, quæ vitata sanitatem pervertunt 2°. Plebs in morbos incurrit, vel levissimis allecâ irritamentis, ut sit quoties vina turbida, recentiora, & liquores ardentes nimîâ quantitate, & tempore incommodo haurit, vel cum pomis fructibusque horæis nondum maturis se ingurgitat. 3°. Scèpissimè vel inopiâ rei familiaris, vel stultitiâ in maximis periculis versatur plebs, dum imperitis obstetricibus, circulatoribus, & medicis castris se suosque permittit.

(g) Elaboranti mihi circa res de quibus jam à magistratibus statutum est, mens erat ut quid illi iussissent, & quid verassent adnotarem citaremus; sed cupienti tempus defuit: consuli potest hæc de re opus cui titulus est. *Traité de la Police, par De la Mare.*

(h) Bernard. Ramazzini, de morbis artificum diatriba.

(i) Philipp. Hecquet, Doct. Paris. La médecine des pauvres.

(k) Statut. facul. Med. Paris. art. 2. » omnibus Sabbati diebus sex Doctores cum decano pauperes ægros accedentes benignè audiant, & sedulo examinatis eorum morbis medica consilia humanè largiantur. »

## II.

**A**TMOSPHERÆ quæ terrestri globo undequaque circumfusa eum penitus penetrat, ea est moles, quâ nulla forsan in totâ naturâ pluribus composita partibus reperitur: Constat illa quidem aeris tenuissimis & maximè elasticis partibus, aqua, igne (a) corporum cœlestium aut saltem materiæ luminis effluviis, (b) corpusculis denique ex omnibus naturæ corporibus elapsis, in quæ aer sive per partes constituitur, sive per particulas cujuscumque generis quas sustinet, vim suam exerit, quæ quidem omnia in se mixta & conjuncta fortè etiam aspectu planetarum mutata, menstrua componunt diversi generis quorum tanta vis est, ut omnia corpora, quibus constant tria naturæ regna dissolvant, destruant. Nonne ex illâ prope infinitâ rerum varietate oritur singularis aeris virtus, cui tum animalia, tum vegetabilia ita subjacent ut sine aere animalium vita, (c) & vegetatio, (d) imo rerum naturæ fatisceret?

Perpetua atmospheræ actio quæ corporis nostri superficiem premit, in illud sese per aeris alimentorumque meatus insinuat, nostris humoribus, chylo ju-

(a) Animalium calor, scintilla & ignis fritione saxorum & lignorum elusus, fulmina que eam antiquis opinionem injecerant ignem ubique dispergi, quod manifestè jam nobis experimentis electricitatis compertum est, quibus ex omnibus naturæ corporibus ignem educimus & quasi totidem rediivi Promethei fulmen è manibus Jovis ope acuti ferri valemus excutere. Vide Mem. de l'Académie des Sciences 1750. Mem. des Scav. Etrang. tom. 2.

(b) Boerhave Chem. de aere Shaw. lec. 3. chap 5.

chym. lec. 3. Boyle, experim. de aere Arbutnot, essai sur l'air chap. 1.

(c) In montibus excelissimis, ubi aer vaporum ferè expertus est, difficile respiratur. Extinguuntur in vacuo Boyleano animalia eo citius quo grandiora.

(d) In vacuo Plantarum semina non germinant & vivacissimæ plantæ encantantur quod facile intelliget quisquis computabit quantam aeris copiam vegetabilia absorbent, vide Halles stat. veget.

vante, commiscetur & (e) per vasa cutis inhalantia longè copiosior absorbetur; quam ponderis amittimus per perspirationem Sanctorianam, ea inquam actio in corpore, quicumque sit ejus habitus, multum sibi vindicat; » (f) ex caliginoso aere, caliginosi, ex cælo sereno, puri, tenues & propterea salubres mortalium spiritus & humores. » Quoties cumque mutatur aeris temperies, nobis semper est cur aut timeamus aut speremus; aeris enim accessu fluida & solida corporis varias subeunt alterationes, ratione motus crasis, consistentiæ, densitatis & elaterii. Aer, inquit Hipp.; (g) » maximus est omnium quæ corpori accidunt auctor & dominus; vitæ & morborum faber est; illius in naturalia corrumpendi & conservandi vis est maxima, » unde frequentiores aeris vicissitudines mortis præcipuam esse causam cum Baconde Verulam pronuntiari potest. Aeris salubritas & in salubritas à quantitate & qualitate partium quæ illi innant, à rarefactione & elasticitate ejus pendunt; & cum à benignâ indole & gradu temperato recedit atmosphæra, corpora nostra contrahunt damna gravissima; quidquid delirat aer, plectuntur homines.

Tempestate valdè siccâ & frigidâ, perflante diu aquilone vel caciâ, liquida densantur, solida constringuntur. Tunc in debilioribus hominibus fluidorum motus minuitur, imo suffocatur; humor qui per perspirationem effluere debet intrâ corpus retinetur, pars ejus crassior acris fit, pars serosa refluat & in vicinis locis glandulisque præcipuè congeritur; pulmones amplissimâ superficiei contactum aeris admittentes stringuntur, minus perspirant, accumulatur humor bronchialis & lentorem contrahit; nervi maximè afficiuntur, unde omnia symptomata nervosa hæc temperie observantur frequentiora. Sed in corporibus robustis frigus naturam adhuc robustiorem facit, functiones sunt valentiores, diminutâ enim capacitate vasorum & auctâ fibrarum elasticitate, liquidorum velocitas major est, fluida per vasa tranantia ab his plus patiuntur, vehementius ad latera applicantur, ex attritu tam valido & tam rapido cursu globuli sanguinis compinguntur, crassus viscosusque fit cruor, omnes humores fortius acti loca insueta ingrediuntur, denique calor internus urit & destruit humidum, dum cutis à frigore corrugatur. Hæc sunt causæ prædisponentes gravedinis tussis catarrhi anginæ hæmorrhoidis pleuritidis, peripneumoniar, lethargi, doloris capitis, laterum, lumborum, febrium acutarum, paroxysmorum, asthmatis, rheumatismi, arthritidis. Causæ vero proximæ tam frequentes in plebem vagantur ut diutius protractâ siccâ & frigidâ aeris constitutione, affectus illi fiant endemici. Illæ causæ sunt immodicæ corporis exertationes, spiritus ardentes, alimenta acra, dispepra, aer frigidus, potus frigidus corpore calente admissus, & labores quibus homines ex inâ plebeculâ occupati perpetuo insudant, quales præcones, vectores, bajuli, cursores, aurigæ, &c. quorum frequentia redundant nosocomia, quamdiu illa aeris constitutio debacchatur.

In illo statu atmosphæra nimiam siccitatem nimiumque frigus spirantis, miserandum videtur, quod à plebe non possit arceri, morborum inflammatoriorum genus corporibus robustis & induratis quàm quodlibet aliud exitiosius. Insaulti illi homines quos ægre sustentat assidua defatigatio, nonne cælum acculare possent, quòd inæquali conditionum præstitutâ sorte, dum ipsi Deo laborem præcipienti parent, vitæ discrimen adeunt. Divitum quidem pietas plebem tutam præstare potest à pluribus morbis. si vestimentis adversus frigus aptatis, inopes carere non sinant. Qui regendæ intus urbi præfunt & ipsi morbis occurrere possent, si curarent patere pauperibus focos publicè constitutos quò confugerent, quamdiu eorum operæ non desiderantur; præterea si caverent, ne caupones eidem homini ultra

(e) Arbuthnot, essai sur l'air, cap. 3. §. 24. (f) Duret, in coac. cap. 9. §.  
(g) Hippocrat. de flat.

quamdam moderatam potionem tum vini tum spirituum ardentium ingerent.

Nulla tempestas majora plebi procreat incommoda, pluriumque morborum fe-  
rax est quam frigida & humida, quâ regnante circulatio imminuitur, calor, vis  
vitalis decrefcunt, inertia coguntur fluida, corpora opplentur crudis humoribus  
per perfpirationem non expulſis; imo corpus fubeunt particulae frigoriſicæ quarum  
introductioni favet humiditas, & illæ fluida ad congelationem ſpiſſant, ſoli-  
diſque ſenſibilioribus adhærentes nervos continuo laceſſunt, irritant; ſupprimi-  
tur precipuè exhalatio pulmonalis, cumque expirationis humiditati conjungatur  
humidum aeris, brevi vaſa pulmonalia obſtruntur. Indè, tuſſes, pleuritides,  
pneumonix, leucophlegmatix, tumores faucium, febres catarrhales, dolores  
articulares, erratici. Qui morbi brevi graſſantur in omnem vulgi turbam, cum  
ex iis quæ poſtea memoraturi ſumus, aeris frigidi & humidi ingraſceſcant  
effectus. Pleraque plebs non aptè ſatis tegitur quæ ſe deſſendat à frigore; veſtes  
aere udo inbuti vel imbris madentes, plerique gelido balneo malè ſoyent;  
adde quod in viis, aquâ & luto, ut tunc fieri ſolet, ſtagnantibus, incedunt nudis  
nonnumquam pedibus & cruribus, quæ ſic per totum diem natant & rigef-  
cunt. Quæ quidem incommoda & per ſe increbſcunt & aliorum concur-  
ſu cumulantur, effuſis cœlo nivibus & iis liqueſcentibus. Nives ſeu  
quæ, decidère in vias ſeu quæ de tectis deſluxere, ſeu quæ ex variis ædibus exo-  
nerantur, totam urbem ſævâ illuvie deturpant quæ virus quoddam concipit,  
coacervatâ excrementorum congerie quæ derivantur in vias ubi ſordes & im-  
munditiæ nive non fluente exaggerantur: idem ſit poſt grave & diuturnum  
frigus mitelcente gelu, luti quo, viæ pluriū pollicum altitudine conſter-  
nuntur, virulenta qualitas manifeſta ſe ſe prodit morbis crurum dictis vulgò *Javars*  
quibus laborant equi plerique qui, dum illa ſævâ illuvies, urbem calcant,  
Atmoſphææ geliditatem & humiditatem inſuper auget fluens tabes liqueſ-  
centis nivis; cum enim aer ex corporum humidorum contagio contractas frigoriſicas  
particulas ibi exoneret quo ſe inſinuat, indè ſit ut ad eos quoque quorum labor  
non extrâ tabernam vagatur, ea moleſta conſtitutio pertineat, aere ſecum, in  
locos humiles quibus includuntur, geliditatem & humiditatem invehente.

Ut levaretur plebs in hâc temperie undè plures exiſtunt morbi, quæque magis  
moleſta eſt quam quodlibet aeris vitium, optandum illud eſſet ut in fovendâ plebe  
magiſtratum diligentix divitum pietas accederet: hi plebeculam inopem cura-  
rent à frigore aptis veſtibus tegendam; illi in viis crebros ignes incendi, aut  
certos in urbe locos aſſignari juberent, ubi plebs publicè caleſceret; nivibus  
ſtatim ut cecidiſſent exportandis invigilarent, ne ſpatium liquefactionis daretur.  
Quod ſemel accidiſſe teſtis eſt hiſtoria (h) Pariſienſis, anno 1434. ſingulis diebus  
nives in plateam vulgò *la Greve* exonerabantur. Adde ut & glacies mitelcente  
primum gelu extrâ urbem deveheretur.

Tempeſtas calida & ſicca ab ipſo Hippocrate magis ſalubris cœteris pronuntiata;  
cum ad ſummum pervenit gradum vel diutius durat, nullam aeris conſtitutio-  
nem pejorem agnoſcit; omne quippe extremum naturæ eſt inimicum. Hæc conſti-  
tutio *αυχμος* ab antiquis dicebatur „ſiccitas bona eſt, ſed *αυχμος* & tempus  
*αυχμον* malum eſt inquit (i) Ballonius; „quas enim in corpore alterationes  
producere non poteſt aeris pondus auctum aliquando uſque ad decimam partem  
ponderis medii, id eſt circiter ad 3982. liv? Ex ſiccitate fibrarum rigiditas, ex ca-  
lore fluidorum rarefactio ſequuntur, quæ ſimul validiorem attritum & in vaſ-  
cula aliena propulſionem produciunt, quibus, ruptis vaſis, extûs erumpunt ſui-

(h) Hiſtoire de Paris.

(i) Baillon, Epidem. Pariſ. conſtitut, hye-

mal, 1575.



da ; vel intus retenta celeriter ad putredinem vergunt. Si diutius remanet æstuans atmosphæra, vaporibus sulphureis onustus aer plurimum elasticitatis suæ amittit, pulmonibusque explicandis, sanguini ebullienti condensando, & refrigerando jam non est idoneus, perspiratio & sudor maximè intenduntur, humidumque non tantum ex superficie corporis, sed ex sanguine & aliis humoribus, ipsoque fluido nerveo, quasi sitiens, exfugit atmosphæra torrida ; humores conpinguntur & in massas fere irrefolubiles abeunt, olea, sales, ad acrimoniam iusto majorem transunt, solida exsucca, rigida & immobilia fiunt, inde virium lapsus & prostratio, hæmorrhagiæ, hæmophisæ, dysenteriæ, colicæ biliosæ, cholera morbus, febres acutæ, continuæ, ardentes, vomitus, epilepsiæ, insanix. Illorum aeris ficci & calidi effectuum, longè major vis esse debet in hac urbè ubi tot hominum totque animalium respiratio & perspiratio, crebræ solis radiorum percussiones, ejus in pavimenta refractiones, focorumque frequentia, aeri propè modum inflammato & longè nimis rarefacto ita prorsus vim suam adimunt, ut vitam nec jam enutriet nec foveat: Ubi perspiratio pulmonalis & cutanea, putrefacti halitus live ex animalium excrementis, five ex cloacis latrinis lutoque emissi, aerem vitiant, qui obstante nimia tectorum altitudine, non renovatur & citius corrumpitur ; aerem illum fermentum quoddam dicas, quod nostris commixtum humoribus, morbo cuilibet, quamdam afflare potest malignitatem & contagium, imò pestem procreare : apud livium (κ) legitur ob nimium squalorem Romæ pestem fuisse factam : (l) anno 1466. mense Augusto, ex tempore fervidiori, morbi contagiosi Parisiis grassabantur : (m) anno 1714. ob nimiam aeris siccitatem Londini mortuorum numerus ad 5000. excrevit. Hæc dira aeris constitutio mansuesceret, si & viæ publicæ sæpissimè irrigarentur, & fontes perpetuò manarent in vias, quorum ope calor & siccitas atmosphære temperarentur : præterea si in urbe tum ipsa intus ædificia, tum extrinsecus viæ publicæ & fora quibus carnes, pisces, casei, vegetabilia solent exponi venalia, immundities accuratè expurgarentur, ne aeris puritas vitaretur.

Humidâ & calidâ aeris temperie atmosphæra solitâ & requisitâ majori levitate peccat, undè mercurius in barometro demittitur & animalia insolitam experta actionem, vociferant, agitantur, Tunc corpore minus pressio, elasticitas fibrarum minuitur, crescunt canalium diametri, ex solutâ materie elasticâ ; qui fluidorum corporis compositionem subeunt humores, rarefiunt, non coerciti vagantur, in vascula aliena recipiuntur ; solida humectata flaccescunt inertia fiunt ; non amplius aptus aer novos vapores e corpore recipere, dissipare, laxat fibras, perspirationem inhibet, Calor magnus si humido accesserit, summa inducitur solidis laxitas, debilitas, undè fibræ serè resolvuntur, coctio, circulatio torpent, fluida in pulmonibus malè subiguntur, excretionem cutaneâ minutâ, non desecantur humores, stasis putredo sequuntur ; undè febres lentæ, duplices tertianæ, putridæ, variolæ, mali moris, febres malignæ, putridæ, dysenterix & morbi omnes contagiosi & pestilentialia quos constitutionem aeris humidam & calidam comitari constanti observatione (n) comprobatur. Quoddam notatu dignum (o) clar. Home leydæ ægrotantium numerum aeris humiditati ab hygrometro mensuratæ liquido respondisse observavit.

Illa aeris calidi & humidi, seu cænosæ noxia constitutio Parisiis periculosius imminet, ubi fovendo calori, & humiditati augendæ, omnia conspirant, ubi ex

(κ) Tit. liv. Hist. decad. 4. lib. 1.

(l) Bailon. Epid.

(m) Arbuthnot, essai sur l'air, chap. c. §. 39.

(n) Hyppoc. Epidem. lib. 2. sect. 3. lib. 3. sect. Galen. de temperam. lib. 1. cap. 4. Com-

ment. in Epip. lib. 3.

Leon, hist. Africæ. lib. 1.

Baillon, Epidem. Paris. 1570. 1574.

Pringle, maladies des camps, part. 1.

(o) Home. dissen. pag. 19.

multiplici causarum concursu, increbrescit putrefactio, scilicet densatis cujusvis generis, præsertim animalium halitibus, quibus atmosphæra, gravius quam alibi, laborat onerata & inquinata. Quibus patet, quantum reipublicæ intersit, depelli vel coerceri saltem, causas quibus invehuntur morbi contagiosi pestilenciales & ipsa pestis. Quod ut præstent qui præsumunt, duo ipsis debent esse proposita 1<sup>o</sup>. ut putridis exhalationibus minuendis invigilent 2<sup>o</sup>. ut aeris vitia corrigant; quæ quidem assequi poterunt, si caverint ut viæ publicæ immunditiis expurgentur, ut puræ sicca serventur ædes, ne sit ullus in urbe locus ubi putrescant aquæ, ne cui animali nisi planè necessarium pateat in urbem ingressus, ut animalium excrementa citius foris exportentur, ut exulet ab urbe quodlibet opificium aeris sinceritati imminens; si jubeant ut passim accendantur ignes, injecto præsertim ligno resinoso, quorum ope quanta commutatio fiat in atmosphæra, quam reviviscat aeris salubritas, nobis experientia (p) compertum est; tormenta bellica crebro explodantur, pulsantur campanæ quibus latè moveatur aer.

(p) Hippocrates pestem oppressit quæ ex athiopis Græciam devenerat, accensis ignibus odoratas injiciens herbas & flores quæ aerem repurgarunt. Argon Medicus Atheniensis urbem eodem modo à peste gravi liberasse dicitur.

### III.

**N**ON tantum calore, frigore, siccitate, humiditate aeris sævientibus graviter afficitur corpus humanum; misceri adhuc potest atmosphæra partibus eterogeneis, sanitati maximè insensis, tria genera exhalationum agnoscimus quæ in hac urbe morborum sunt semina, scilicet animalia, vegetabilia & mineralia exuvia; primo quidem de animalium & vegetabilium exhalationibus & imprimis de halitibus corporum putredine resolutorum qui aerem inquinare nostrisque humoribus commixti crasim & consistentiam illorum cito & prorsus solvere solidaeque destruere possunt.

Quanta in hac urbe illorum effluviis abundantia! copiosi utique & peculiare unicuique animalium spiritus, exhalati assidue de corporibus vivis tum per perspirationem cutaneam tum per pulmonalem, per aera dissipantur, quos quidem aeris elasticitatem minuere probavit sagacissimus Halles (a): Nonne etiam aer ex tot compulsiis animalium halitibus indolem concipere potest corruptioni obnoxiam quæ cernitur (b) in balnearum aquis, quibus brevi odor cadaverosus suffunditur. Deinde excrementa animalium, quorum pene infinitus hic numerus porpetuè secreta, in aera ex parte ævolant. Latrinæ omni tempore, sed precipuè nimbiosiore & calidiore, pestifero suo fœtore omnes domos replent. Fimus equorum in cavædibus coacervatus odorem nauseosum in vicinia dispergit. Stramentum quo consperguntur viæ antè ædes ægrotantium, sordibus mixtum & conculcatum, brevi corrumpitur vaporesque putridos emitit. Stercora noctu tantâ quantitate deiciuntur, ut qui benè manè egrediuntur, fœtore aeris percussi, stomachi subversionem ferè patiantur. In omnibus urbis regionibus, foricarum quotidie fiunt expurgationes quæ longè latèque mephitis terribissimam diffundunt. Multipliciter cæno viæ consperguntur, ex omnibus enim ædibus perpetuè ferè derivantur aquæ urinosa, tinctoriæ, lixiviales, saponariæ, lanariæ cum quibus frutescunt animalia & vegetabilia olea ex tot culinis decurrentia, quorum subtilis moleculæ calore volatiles factæ, atmosphæram inquinant.

His possunt accenseri officinæ multæ quæ visu graves & odoratu fœtidæ sunt, (c)

(a) Halles. stat. des veg. chap. 6. vide Gorter de perspirat. cap. 2.

Kauboerhaac perspirat. Hippoc,

Arbuthnot, essai sur l'air, chap. 1. §.

b) Arbuthnot, essai sur l'air, chap. 1. §. 35.

(c) Ramazzini de morbis artific.

coriarii, fidicinarii, qui morticina tractant, fullones qui lotio putrescente vestes à sordibus purgant, candelarum sebacearum opifices quorum opera latè grave olet, (d) serica opificia & bombyces quæ ingratus odor sequitur, (e) saponarii quorum aquæ aeri vim deleteriam communicant, (f) figuli quorum in cellis aqua putrescit & plumbum maceratur, qui omnes opifices prætereuntibus non levem, vicinis vero maximam & quotidianam pariunt molestiam; urbisque atmosphæram putridis vel facile putrescentibus vaporibus replent. Quis in hac urbe millies non exsecratus sit emporia & omnia loca ubi venales exponuntur pisces, carnes, casei, plantæ quæ aere fervido factorem spargunt intolerabilem. Non minus ingratum diffundunt effluvium ædes ubi resarciuntur vendunturque vestes obsoletiores, (i) & æ ubi viles spurcissimæque lacinie papyro conficiendo destinatae, congeruntur. Non innoxia certè consuetudo cadavera intra urbes & ipsa templa sepeliendi. Quantis incommodis obnoxius sit mos ille, hucusque frustra expositum fuit. Lentè è terra exsurgunt subriles ideoque periculosiores halitus qui aerem insalubrem reddunt: hinc febres malignas, cachexias, mortes subitaneas vespillonibus frequentes esse observavit Ramazzini (g) illosque faciem luridam & habitum cadaverosum præ se ferre; Pessimè æstate præsertim sacra ædes redolent cum gravi (h) adsistant noxiâ. In urbis regione dicta vulgò *la Cité* & quibusdam suburbis, aer qui ob summam tectorum altitudinem, nec moveri, nec renovari, nec vento, nec sole purgari potest, veluti immobilis aqua corrumpitur; hos locos plebs præsertim sortita, tectis habitat humidis & demissis seu potius stabulatur, ubi perpetuò stagnat aer & mucor muris supellectilique inductus, sedes malè sanas arguit; adde & squalorem plebi insitum; aut quibusdam opificibus inhærentem illuviem, unde non mirum, si inter infimæ sortis homines, celerius diffundantur pestis & morbi contagiosi, (k) faventibus tum sorditie domorum angustarum in quibus exhalationes colliguntur & exitiosæ fiunt, tum linteorum & vestium spurcitie quam hauriunt vasa corporis inhalantia. Proximè ab urbe equi mortui, quorum numerus quotidie maximus est, jacent, ibi aere libero putrescit, & in atmosphæra ut ita dicam sepeliuntur; quantum polleat ad aerem inquinandum animalium corruptio, nemo non novit cum sæpius fuerit observatum (l) ex insepultis cadaveribus post magna prælia commissi diras pestilentias enatas fuisse; putridum phylæteris cadaver ad littus appulsum vicinas provincias peste infecit, teste Plutarcho. Minimè ab urbe distantia purgamentorum reperiuntur receptacula, quibus nil putidiùs invenies, illorum miasmatibus vicinia maximè morbosa redduntur; præterea venti qui solum cadaveribus aliisque veneficis & putridis corporibus inquinatum, & aerem oleis pinguibus vegetabilium & animalium repletum inveniunt, ea in urbem dispergunt; ibi calore, quiete, humiditate fota atmosphæram corrumpunt, civibusque graviora mala minantur. Neque vero quis putet halitus illos in immensa divagari aeris spatia, civitatisque nocere non posse? circumvolitant, imò Luretiam circumvallant atmosphæra particulari (m) & insalubri, residentes circum circa, ut pote qui ponderosiores sint aere; quam satuta sit his inquinamentis atmosphæra Parisiensis abundè docet experientia. Carnes cito putrescunt, cibi cocti faciliè mucescunt, vestium vividus ni-

(d) Lancisi de noxiis palud. Effluv. p. 366.

(e) Id p. 17. Boyle de nat. Effluv. cap. 4.

(f) Ramazzini lib. c.

(g) Ramazzini l. c.

(h) Ramazzini l. c. Mem. de l'Académie des Sciences, année 1749.

(i) Contagium diu conservatur in vestibus laneis. vid. omnes auctores de peste.

(k) Hoffman dissert. de peste.

Schoerkius, historia epid. genm.

Vander, nic. de morbis bredanis. Ephem. nat. cur dec. 1. an. 2.

(l) Ramazzini l. c. Kirker de peste.

Wanvieten in aph. Boerh. §. 1150. Mundeus de aere, Jul. Alex. de bello punico.

(m) Effectus illius atmosphære peculiaris in se bis expertus est Noël Falconet vid. système de fièvres pag. 43.



tor brevi marcescit, linteorum chartarumque flavescit albedo, aurum argentum cætera metalla citissime denigrantur, domus recentes situ contracto squallent; sapius densæ notantur nebulae quæ malè olent, fauces afficiunt & oculis rubore fusiunt; aere vel maxime súdo Lutetiam prospicienti, urbs tota sub nebulis apparet; cum urbem ingreditur peregrinus gravem queritur odorem; denique si ex civium colore, soli & cæli natura deduci potest, Parisini colore pallidi, viciibus hebetes, sordibus consumpti eorum testantur insalubritatem. Talis atmosphæra non semper vi deleteriâ agit, sed morbos creat diuturnos, refractarios, malignos difficile natura & arte superabiles.

Expositis hucusque causis, quæ urbis aerem vitare possunt, & ei qualitates afflare sanitati noxias, super est ut remedia in medium afferamus, quæ utrum usu adhiberi possent nec ne, soli magistratum experientiæ & prudentiæ competentum est. Camarinam movere non reformidat utilitatis publicæ cupidus, & Medicus cui (n) „necessum est ingrata tueri & immania tractare.“ Torrentes corrivari amnesque ad declivia loca perducere possent, quorum motu rapido cœnum & immunditiæ omnes quotidie ex viis elicerentur; vel in locis sublimibus urbis extruerentur aquarum receptacula, quæ, effluvio certis horis emissis, rapide vias everterent & domorum purgamenta opportunè ingesta precipiti cursu secum abriperent. Quin & illa opera (o) Romæ regnante Tarquinio substructa apud nos renovari quam expediret. Commoditati publicæ civiumque valetudini laudabiliter consuluit Imperator, subterraneis purgamentorum receptaculis tanta magnificentia extructis, ut Marcus Agrippa in sua ædilitate cum septem amnes in fornices derivasset, per eas in tiberim devehere. Cloacæ illæ, operum omnium dictu maximum urbi munditiem & salubritatem præstiterunt; occurrebant enim in singulis ædibus & viis veluti cuniculi in quos purgamenta detruderentur & inde in fluvium raperentur. Non parum etiam civium hujus urbis sanitati prospexit D. Turgot cujus curâ substructa fuit cloaca illa quæ partem Lutetiæ cingens, aquas lutum & alias sordes recipit, deducitque in sequanam. Optandum esset ut cives leges in suum commodum positas tam frequenter non violarent, dum aut sordes domorum, aut stercorea in vias decipientes, aut ibi alvum exonerantes, sædissimo nidore urbem implent. Stramentum quo consternuntur viæ ante ægrorum ædes, sapius renovetur; finum equorum quotidie exportetur ab urbe, vel extruatur ædificium in act. Acad. scient. (p) descriptum cujus auxilio terro summi odore vicinia non inficietur, Multis careret immunditiis Lutetia, si omnes ædes foricis instruerentur, & passim suffoderentur publicæ latrinæ. Expediret præterea ut quoties ædificatur, viri in eam rem præpositi locum constituerent, quo foricæ suffodi possent, minore tum ipsius familiæ, tum etiam vicinorum incommodo, & ut spiracula in altiori foveæ parte aperirentur, quibus ad summum culmen tectorum erectis, gravis odor expiraret; cum expurgantur foricæ, ignes iis crebro injici utile foret, & circum undequaque incendi, ut vapores perpetuè exeuntes corrigerentur: nonne tunc tempestivè Ventilatoris opera adhiberetur, ut inde brevi putrefacti halitus erumperent. Columbae, cuniculi, lues, &c. intra urbem nusquam ali debent ob inhaerentem odorem teterrimum. Id precipuè curandum, ut fora immunditiis quotidie expurgentur. Ut torpore non putrescat aer ob domorum altitudinem, prohibeatur ne in ea urbis regione quæ vulgo dicitur *la Cité*, & quibusdam aliis, ubi aer ventorum beneficio everri non potest, ad tantum fastigium ædificia assurgant; & plebecula ad accuratam munditiem in ædibus servandam, Romanorum exemplo, addicatur.

(n) Hippoc. de slat.

(o) Plin. Hist. nat. lib. 36. cap. 25.

Dyonis. Halicarnass. antiquis. Roman. lib. 3.

Lancisi de advent. cæli Rom. qualir.

(p) Act. Acad. Scient. 1748.

(r) » Hoc quòque ædiles fungebantur officio intrandi ea loca quæ populum receptabant, exigendique munditiem ac utilem & salubrem temperaturam.

Quam me juvaret, si civibus meis is esset animus, ut in sepeliendis cadaveribus, exemplum (s) hujus populi sequerentur quem diutissime orbis prædica- vit sapientissimum. Ille secus publicas, extra urbem, vias mortuos condebat, duplici vivorum commodo. Nam præterquamquod tumuli & inscripta monu- menta, mortuorum laudes & fortia facta in occulto latere non patiebantur, & prætergredientium animis stimulis addebant, tum & id utile is mos affer- bet, ut aer in urbe spiraret incorruptus. Circa ea quæ corrigenda censemus, exempla ex antiquis deprompta afferre non superfedebimus, quæ, omnia quæ proponimus, & fieri posse & profutura esse manifestius evincunt. Institutum (t) Rbmanorum mercede laudandum imitemur, apud quos, Transiberinam re- gionem occupabant sordidi opifices; & ex Lutetiâ ablegentur olivæ merces, fullones, lanijarii, coriarii, lotrices, figuli, candelarum sebacearum opifices, omnesque officinæ quæ tetrum spirantes halitum, cum sanitatis publicæ peri- culo, in urbe tolerantur. Animalium cadavera, lutum, urbis purgamenta, & stercorea longius ab urbe exulare necesse est. Nec illud quoque parum ad aeris salubritatem conferret, si arva urbi proxima non stercorearentur.

Sermonem aliò transferre non sinit, materiæ de quâ aliquid injeci, in morbis crean- dis potentia. Argumentum illud jam à celeberrimis viris tractatum, eorum, quibus salutis publicæ cura est commissa, oculis sæpius non potest subjici. Si quis dubi- tat, an non solum insalubris, sed pestilens interdum fiat aer tetro aquarum put- rescentium halitu, adeat opus elegans & numeris omnibus absolutum, quod de noxiis paludum effluviis scripsit Lancisi. Apud (u) Medicos & Historicos singulis ferè paginis occurrunt morbi epidemici, & pestilentes ex fluminum inundationibus, & succedente postea flagrantissimo solis æstu orti. Non aliam agnoscit originem pestis quæ quot-annis in Ægipto grassatur, cum aquæ sub- sidunt, & venti australes oriuntur. Putridis aquarum stagnantium exhalationi- bus jure tribuuntur gravissima pestilentia, quibus olim Athenienses conflictati sunt, & quæ Romæ usque ad finem seculi XV sævierunt; indè (x) febres Pi- sauri, Stutgardia, Leydæ, Halæ, Possonii observatæ, quæ sporadicæ sunt in Belgia-Batavica.

Sequanâ extra ripas in urbem diffuente, turbidæ maleque olentes aquæ ex redundantibus plateis & viis in subterraneas ædium cellas affatim ingeruntur: postquam vero detumuit amnis, fluxiliores inclusi latices per terræ poros veluti per totidem venas sola ponderis inclinatione paulatim maximâ parte refluent, sed in subterraneis cellis, quorum solam argillaceum nimis compactum, vel cæmentatum est ut aquæ possint effluere, illæ stagnant & cum cæno multi- plici corruptæ, aerem insalubrem in viciniâ reddunt. In multis ædificiis repe- riuntur putei, aquarum & omnium sordium receptacula, qui pessimum odorem spargunt. Apud lanios tales dantur piscinæ, ubi cruor, exta animalium & aliæ immunditæ deiciuntur, in figulorum cellis aqua putrescit, apud amylopeos (y) triticum in aqua maceratum odorem intolerabilem spirat. Sed nullum vi- tium exitiusius aer potest contrahere quam quo inficitur solo motû defectu in locis occlusis & cryptis, ubi ab omni ventilatione diù prohibitus adeò, pesti-

(r) Senec. epist. lib. 13. ep. 86.

(s) Ramazzini l. c.

(t) Ramazzini l. c. in urbe ne sepeliso. Lex XII. Tab. Athenienses, Judæi, Christiani, extra urbes inhumabant,

(u) Hoffman de temporibus insalub- Lancisi de nox. palud. Effluv.

(x) Morbi Epid. Germ. Hung. Pringle malad. des camps. ch. 1.

(y) Ramazzini b. c.

lens evadit ut incautè adeuntes protinus aurâ venenatâ prorumpente suffocet. (c) Quæquidem pericula præcaveri possunt, si vetabatur, ne opifices quid macerandum in cellarum fundo vel alio ædium loco, reponant, quod morborum sit semen; & ne putei, recipiendis fordibus destinati, effodiantur; si post maximas inundationes, aquæ in cellis non stagnet, & ex iis quidquid egerendum est, diligenter eruatur. Ad humidam ædium partes incolendas non redeant incolæ, cum subsident aquæ, sed priùs vel ventilatione, vel accenso igne, cubacula uda studeant arefacere.

Aer qui vitæ pabulum merito dicitur; cum purus hauritur, corrosivam, & deleteriam vim acquirit, ab effluviis quorundam mineralium. (a) Physicæ & Chemicæ gnarum non latet, sulphura & ipsa metalla, ita vel à naturâ, vel ab arte posse mutari, ut sub specie fumi, vel pulveris tenuissimi, per aerem divagari possint. Mercurius, cuprum, stannum, plumbum, cobaltum, auripigmentum, bismuthum, arsenicum, calx plumbi, minium, cerussa, sandix, crysocola, viride æris, sive igne aperto tractentur, sive oleo aut vernice coquantur, sive acidis jungantur spiritibus, sive contundantur & in pollinem redigantur, sive quocumque alio modo in auras dissipentur, graviora mala producent, mortemque ipsam afferent, iis qui tales corrosivas, & adstringentes particulas, aeris vice spirant. Atmosphæram his effluviis fieri corrosivam, extra dubium est: in insulis (b) Terceres & Bermudes, in quibus, multæ metalli fodinæ, ea est aeris corrosiva temperies, ut lapides, tegulæ ædium, & metalla citò rodantur, & consumantur. Aeri canoso, multisque salibus, & sulphuribus arsenicalibus, & metallicis scatenti singularem morbum, porcellum cassoviensem dictum, tribuit (c) Michaël Adolphus. Ab artificibus igitur qui arsenicum, plumbum, sandaracham, aliaque jam dicta mineralia tractant, aura venenata expectanda, & timenda. Quæ hanc opinionem firmant argumenta, heu, frequentiora nostris quotidie subjiciuntur oculis, & in erudito opere Ramazzini de morbis artificum, ad unguem describuntur. Opifices plumbarii, inauratores, stannarii, cuprarii, qui vitra argento vivo obliniunt, qui vitra colorata vulgò smalta consciunt, colorum tritores, facile pallore & facie deturpatâ, totoque habitu emaciato & cachectico, agnoscuntur; si à tam perniciosis artibus non se continent, nervi brevi afficiuntur, undè tremores, stupores, dispnæ, apoplexiæ, olfactus & gustus imminuitur, abolitio, colicæ illæ horrendæ pictorum dictæ. Tam graves & corrosivæ mineralium particulæ, illorumque fulgines teterrimæ, quæ cum certo vitæ periculo, ab opificibus hauriuntur, per vias publicas, & precipuæ ædes vicinas expansæ, non subito exitiosæ, sed quotidianis accessionibus auctæ, morbos chronicos procreant, qui Medico causam illorum querenti, multum negotii facessunt, hominesque talibus morbis oppressos & consumptos vitâ expellunt. Ab amico, in rebus medicis versato, accepi, duas mulieres eadem domo quo sigillum utentes, cum in pthisim incidissent, eidem sese curandas commisisse, nec ipsum eas ad sanitatem revocasse, vel saluberrimis adhibitis remediis, quamdiu ibidem habitavere mulieres, quas postea cum eò adduxisset ille monitis, ut ad aliud hospitium confugerent, planè restituit. Procul igitur & sine morâ, exulent ab urbe opifices miseri, qui se & cives suos veneno tollunt.

(c) Journal des Scav. 1667.

Epid. nat. curios. dec. 1. an. 1.

Mem. de l'Acad. des Sciences 1710.

(a) Boerhav. Chem. T. 1.

(b) Boerhave Chem. T. 1. Mundius de aere.

(c) Adolph. de porcello cassoviensi Lips. 1746.

#### I V.

**S**ECUNDUM aerem nihil in majori cedit usu, quàm aqua; nihil est, quod majorem partem conferat ad sanitatem, quàm aqua, pura, levis, pellucida; tunc verum quod cecinit pindarus *ἁγρὸν μὲν ὕδωρ*. Quæ urbes aquis bonis

utuntur, minus sunt morbis obnoxii, inquit Hippocrates, (b) ex aquâ verò vitiatâ morbi plurimi & epidemici oriuntur. Consiliorum igitur venerandi senis (c) memores, si sanitatem civium vel conservare vel restituere cupiamus, aquarum urbis natura studiose nobis inquirenda est. Quot incommodis & morbis obnoxii vivant, quam maturè fenescant, qui aquis stagnantibus & putrefactis utuntur, norunt illi qui Hungariam, Moraviam, Silesiam, Zelandiam, peragraverunt; qui præstantissimum Hippocratiſ librum de aquis & locis, morbosque castrenses, a D. Pringle conscriptos legerunt. Quis etiam historicarum, & medicarum rerum tam rudis, ut morbos endemios Sennensium, Tyrolentium, & incolarum Stiria, Carinthia, aquâ crudiori & frigidiori productos, ignoret. Experimentâ jam edocti veteres in aquâ purâ sibi comparandâ, diligentiores fuere. (d) Romæ aquarum cura, viris principibus demandabatur, qui curatores aquarum nuncupati, summis fruebantur honoribus. Quantas in aquam impensas fecerint Romani, in Frontini opere videre est. Aquæ qualitatibus dissimiles, diversis receptaculis exceptæ, ad varios usus destinabantur. Nunc perpendendum est, an optimis fluviatilibus & fontanis aquis gaudeant Parisini: » (e) aquæ quæ optimæ coctæ sunt, » ac facillimè liqueſcunt, eas par est ventrem exsolvere ac eliquares; illæ sunt aquæ sequanicæ vires. Aquæ fontanæ, ex vico dicto vulgò *Belleville*, decurrentes, bonæ etiam censendæ sunt ex eodem Hippocrate; (f) » maximè laudare aquas oportet, quæ ex solis ortu erumpunt. » Experimentia quæ in huiusmodi argumento, fortius quàm ea quæcumque jactantur militat, aquam ex vico dicto vulgò *Arcueil* defluentem, sequanicâ longè præstantiorem esse evincit. Ea saluberrima est aqua, quæ purissima, quia paucioribus onerata partibus eterogeneis, vires salinis, sive aliis quibuscumque, infusa corpora solvit facilius; (g) si folia Theæ orientalis hinc aquæ sequanicæ, inde aquæ dictæ d'Arcueil infundas, vincet hæc cum odoris copiâ, tum suavitate saporis, quia scilicet aqua sequanica salibus, & multis eterogeneis partibus scatens, nec penetrare plantam, nec solvere potest, nec totidem novas sustinere particulas. Aquæ illæ fontanæ rarè & difficillimè vitiantur; nam ab scaturiginibus suis, testis aquæ ductibus deferuntur ad fontes publicos. Crimine, sed falso, mea quidem sententia, accusantur aquæ vici dicti vulgò *Arcueil*, quibus vim calculum in vesicâ generandi, tribuerunt, (h) qui aquæ ductuum parietes incrustari & obstrui, temporis tractu non longiori, observarunt: phenomenon illud aliam agnoscit causam, quam hic exponere intempestivum foret; sed si (i) in hac urbe multi calculo vesicæ laborantes reperiantur, rationem invenies, vel in incolarum numero penè infinito, vel in vitæ genere, magisque in Chirurgorum peritiâ, quæ hoc morbo afflictos, ex omni Europæ parte Lutetiam accersit. Aquæ sequanicæ salubritati plus vel minus detrahunt quædam circumstantiæ; urbis purgamenta & colluvies, immunditiæ ex omnibus officinis Ianionum, coriariorum, fullonum, tinctorum, lotricum &c. perpetuò & maximâ copiâ, in amnem corrivantur, sordelæque ex ædibus, in rivos viarum ingestæ, præsertim cum largi imbres celo ruunt; quibus accedit horrenda & contagiosa spurcicia ex nosocomio dicto *Hôtel-Dieu* assiduò manans; influunt etiam rivus dicti *des Gobelins* aquæ sordidæ. Aliundè pluribus compertum est experimentis, undas præter fluentes, ad aeris depurationem multum conferre, noxias particulas ex atmosphærâ adtrahendo. An, non, ex tot eterogeneis & impuris particulis oriantur colici dolores, & frequens deijciendi cupiditas eorum qui ex aliis regionibus Lutetiam adeuntes, aquas fluviatiles bibunt? Quæ incommoda præcaverentur, si aqua hauriretur tantum supra civitatem, ubi fluvius nondum sordibus urbanis inquinatur. Maxi-

(b) Hipoc. de aere aq. (c) Hippoc. ib. (f) Hippoc. ib. (g) Hoc experimentum instituit celeberr. Præses. (h) Mead. de ven. (i) Lister voyage of Paris.

(d) Plin. hist. nat. Herodot. lib. Frontin. de  
aquæ ductu Romæ. (e) Hippoc. l. 6.



mis siccitatibus ; aquæ fluviatiles noxiæ possunt fieri ; tunc enim lentius fluentes , & etiam in quibusdam locis stagnantes putrescunt ; minutâ aquarum copiâ , sordes quæ in sequanam derivantur , minus quam par est eluuntur ; aquis subsidentibus (i) plantæ aquaticæ & littorales fracescunt ; his causis procreatos fuisse , morbos endemicos , anno 1731 parisiis grassantes detexit (k) Antonius De Jussieu summus ille Botanicus , quem Botanicæ , & ejus cultores Atheonum desiderarent amissum , nisi superstes solaretur celeberrimus Præfes , Theophrastes alter. Insaluberrimus censeri debet , potus aquarum ex glacie aut nive liquefactarum ; » aquæ glaciata frigida & turbata pituitosissima & raucosissima » sunt inquit Hippocrates » (l) : illæ quidem strumas & bronchocele montium incolis endemicos morbos producant. Sequanicæ aquæ possunt inquinari , priusquam ad urbem pervenerint , cum in rivis affluentibus linum vel cannabis macerantur , quæ odorem & saporem aquis conciliant , lethalem piscibus & gravem hominibus , & aliquando vertigines , & morbos diuturnos procreant ; unde sapienter cautum apud Anglos , sub pœna graviore , ne plantæ illæ , in aquis vel hominibus , vel animalibus destinatis , macerentur. Quæcumque causâ vitiata sit aqua sequanæ , remedium in promptu est , ut ab iis cives non lædantur. Ad omnes fontes publicos urbis , aquæ fluviatiles , & fontanæ ducuntur ; cum illæ vel turbidæ , vel putridæ , vel glaciales sunt , earum profluvium cohibendum est ; & in usus publicos defluant solæ aquæ fontanæ , quæ eadem lege semper scaturiunt. Ea etiam aquæ sequanicæ scditas , quæ interdum ingruit , depelleretur , si cloacæ in quas purgamenta urbis exonerantur , non nisi infra urbem , in amnem incurrerent. Non convenit hodie de salubritatæ aquæ , per fistulas plumbeas fluentis ; opiniones quæ meam sententiam firmant , hic paucis referam. Per canales plumbeos fluens aqua , certissimè virulenta sit , inquit (m) clar. Hebenstreit , & hanc assertionem experientiâ comprobat ; quæ vase plumbeo aliquantulum quieti aqua , dulcescit , epota , ventriculum gravat. Eandem tener sententiam illustrissimus Plainer , (m) qui insalubres fieri aquas optimas existimat , si fistulis plumbeis ducantur. His recentioribus , accedit veterum turba , sola observatione edocta. Plumbo vitiantur aquæ , & ex eo cerussa nascitur , ait vitruvius. Qui tales hauriunt aquas , disenterii laborant , si fides galeno , & fortunato fideli. Nonne ex hac causâ oriuntur , colicæ quæ in quibusdam urbis regionibus Epidemice grassatæ sunt anno 1750 ? Quod præcipue fieret , cum aquæ turbidæ minutas volvunt arenas , quæ fistulas plumbeas abradunt. Incidunt casus , quibus plumbum fontium publicorum receptaculis instratum , magis sit noxium ; cum scilicet ex illis receptaculis egeritur limosa sæx , ab aquis residentibus , in fundum ejecta , ea forsitan adhibentur instrumenta , quibus plumbum abraditur ; quæ enim ex illis fontibus prima manat aqua , eadem omnino symptomata procreat , quæ ex plumbo intra corpus admissio sequuntur , nauseam , vomitum , colicos dolores ; quod quidem adeo frequenter evenit , ut inter eos qui bajulant aquam , hæc causa lateat neminem : periculum illud vel minimo negotio præcaveri potest , si non liceat aquam haurire e fontibus recenter expurgatis , vel si receptacula lapideis parietibus instruuntur , vel demum si levius everrantur. Adde quod suppressio fontium effluvio , sive refarciendorum canalium , sive frigoris causâ , non desunt in tubis curvaturæ , & cavitates , quibus sistitur unda quæ stagnans corrumpitur & plumbum solvit ; si diutius aqua canalibus abest ,

(i) *État siccâ* , sequanam ad  $\frac{1}{2}$  suæ altitudinis incurrentem verè , subsidere observavit D. Marotte. *Traité du Mou. des Eaux.*

(k) *Mém. de l'Acad. des Sciences. an. 1733.*

(l) *Hippoc. de acre ag.*

(m) *Hebenstreit Antropol. Forensis. sect. 1.*



plumbum solo aeris accessu resolvitur; aquas ex his fontibus primum emissas quisquis hauriet in quantum veniet periculum! Quod confectis e lapidibus, vel ex argilla, vel etiam e lignis aquarum ductibus, abesset. Aquas puteales omitto; ad usus secundarios iis utuntur Parisienses; cloacis, & sterquiliniis vicini putei, ab iis inquinantur, viroloque sapore aquæ inficiuntur.

Exponenda veniunt alia potuum genera, plebi familiaria. Vinum, cerevisia, aqua vitæ vel naturâ suâ insalubria sunt, vel malis hominum artibus, vel abusu, noxia sunt. Utinam horum potuum abusus qui præmaturam inducunt senectutem, & ex quibus morum dissolutio, & flagitia oriuntur, possent coerceri, illique apud quos venales prostant hi liquores, cuique quantitatem iusto maiorem non ingererent; sed heu talis probitas frustra desideraretur, in his qui lucrum ex alieno damno capiunt. Vinum varia experitur mangonia, quæ magis vel minus nocent; cum vina vino, aqua vitæ, & Baccarum sambuci succus, vino, miscentur, leves noxas inferunt illi potus; maiora verò incommoda pertimescenda sunt, cum vinis adjiciunt cænopola, calcem, gypsum, nimiamque sulphuris copiam incendunt in doliis. Sed pessimis artibus quæ sanitatem destruant, vina sapius adulterantur. Vina tenuiora, acida, acescentia, nefando mangonio per lythargium aliâve plumbi, & bismuthi præparationes edulcorantur, unde (o) dolores intestinorum, colica pictonum, paralysis, mors. Hi vinorum corruptores, veneficorum crimine fontes, illorum supplicio plecti debent. Illud quoque culpandum occurrit, quod apud caupones vina stillent in plumbum, & in coresideant, quodque potioribus, vina apponantur in poculis maximâ parte plumbeis, quos usus Clariss. Rouelle (p) damnat ut maxime noxios. Sanitati insensam indolem quandoque à naturâ accipiunt vina; cum nimis acerbâ, acida, & recentia potantur, diarrheas, dysenterias, colicos dolores procreant; hæc & graviora adhuc symptomata accersere valet mustum; vinum illud intrâ corpus receptum, brevi calore loci in fermentationem rapitur, tunc spiritus seu gas helmontii oritur, quo nullum venenum adeo celere, adeo lethale, adeo subtile, reperitur, maximaque aëris quantitas ex musto exsolvitur, qui expansione suâ atroces affectus flatulentos generat, quæ mala præcaverentur, si prohiberetur ne mustum, vinum recens & turbidum, vel vinum secundarium, ex vinaceis expressis superfusâ aquâ confectum, venderetur.

Sæpissimè herbæ temulentæ, lolium, cythus ledon, lupuli nimia copia, piper, therebenthina, calx, fuligo, lupulus mucidus & corruptus, vel malâ fraude, vel avaritiâ, vel negligentia cum hordeo aut tritico incoquantur, quibus vim nocendi acquirit cerevisia; aquis etiam putridis utuntur multi, ut potè aptioribus cerevisiæ consociendæ. Cum per æstum accessit cerevisia, sal alkali maximâ quantitate in eam inicitur, unde humorum corporis dissolutio, corruptio; vel lythargio aliisque plumbi veneficis præparationibus edulcoratur, quæ omnia sanitati insensâ legibus possunt coerceri: sed nulla deleteria magis censenda est cerevisia, quam quæ falsiens dicitur, & cujus accuratâ obturatione, diu prohibita fuit fermentatio, quæ quidem ut & mustum violentissimè fervet, & in ventriculo intestinalisque, tum spiritus silvestris stimulis, tum aeris expansione ferè incoercibili, vomitum, colicam, diarrheam, choleram morbum concitat, mortemque ipsam infert; quod non fieret, si non venderetur Cerevisia, nisi postquam deferbuisset.

Alimentorum venditio, legum arbitrio, magis regitur, quam multæ jam descriptæ morborum causæ communes; cordati igitur est medici, illorum ciborum

(n) Plataner opuscul. profus. de aquâ salubriori.

(o) Ephem. nat. curios. decad. 3. an. 4. observ.

30. 92. 100. an. 5. obs. 261.

(p) In annuis prælectionibus chemicis,

naturam inquirete, & de noxis quas iis inesse deprehenderit, admonere magistratum, cujus cura illa debet esse primaria, ne publicè veneant, quæ sanitatem civium destruerè possint, & ut vendentium malitia, adulterationes, & negligentia periculosa, omnibus cognoscantur. Multiplex est alimenti genus, sed de vulgaribus, & plebi magis familiaribus, hic tantum tractabimus. Secale & triticum, quibus ferè solis panes in hac urbe conficiuntur, illis sanitati insensam indolem communicant, cum ea vel morbis afficiuntur, vel agrestibus feminibus miscuntur, vel depravantur in granariis, vel in farinam redacta vitiantur. Morbis peculiaribus vegetabilia, ut animalia laborant; omnia morborum genera in tritico & secali hucusque detecta, describuntur ab eximio physico (g) cujus opera, & ea quidem non pauca, utilitatis publicæ notam insigniter præ se ferunt. Ex his morbis duo in tritico observantur, caries & ustilago, quos cum comitetur corruptio, idèd noxios esse docet ratio; omne enim putridum naturæ sanæ inimicum est: sed morbo (r) multò magis exitialis, quem Galli dicunt vulgò *Ergot*, secali sæpissimè afficitur, undè tunc apud varios auctores *secale cornutum* sive *cornicularum* dicitur: qui hoc vescuntur homines, apoplexiâ, convulsionibus, corripiuntur, vel iis sponte separata cadunt membra sphacelo corrupta: morbi etiam epidemici ex hac morbosâ vegetatione orti, leguntur in Ephemer. nat. curios. Cum secali & tritico nascuntur sæpè & colliguntur semina plantarum, quarum aliæ ut convolvuli, lychnidis, papaveris, meliloti, viciæ, nigellæ, raphanistri aveuæ silvestris, &c. si non nocent, malè nutriunt: aliæ ut lolium, temulentiam producant. Si secale & triticum quæ humidam aeris constitutionem experta sunt, vel tempore messis pluviâ imbuta, adhuc madida colliguntur, humidis-ve coacervantur locis, brevi situm contrahunt; ex his farinis vel aliis vetustate corruptis, confecti panes, febres intermittentes, putridas, malignas sæpissimè procreant. Varia insecta deprædantur frumentum, quæ cum illo, magnâ quantitate, trituratione non sunt innoxia. Panis non tantum veneficæ facultate carere, sed & nutriendi virtute pollere debet; nutritioni autem minimè idoneus est, cum non satis fermentescit, subigitur, & coquitur, undè gravis & disceptus fit.

Causæ morborum & mortis aliquando, una cum oleribus venduntur, ob in salubrium cum salubribus similitudinem, incuriamve & ignorantiam mercatorum & emptorum. Cicuta foliis pro chære-folio, vel petro-selino, cicuta hyosciami & cenanthe radicibus pro pastinacâ & sifarâ, belladonæ radice pro cichorio, ranunculi pallustris radice pro apio palustri, utentes multi (f) sibi mortem consciverunt; pastinacæ etiam radices vetustiores, virulentæ & noxiæ observatæ fuerunt. Fungi quibus auidam omnia experiri gula humana delectatur, maximè fallaces sunt (r) & notis certis carent quibus noxi, ab innoxiiis secernantur; undè criminalium fungorum quisque millia recenset; quot etiam morbi chronici non aliam agnoscunt originem! Solliciti igitur debent esse rectores civitatum, ne corruptus vetustate cibus, malisve artibus alteratus, vel indolis veneficæ, negligentia, vel ignorantia vendentium, venalis proster. Cum locupletior fructuum horariorum proventus est, sæpè debitam & salubrem non assequuntur maturitatem; quandoque minus favens anni constitutio, stercoreatio, vel ros venenatus, (u) & nebu-

(g) Mr. Duhamel, traité de la culture des terres. t. 4.

(r) Journal des Sçav. 1676. Mem. des Sçav. Etran. l. 1. Carthenfer. fundam. Pathol. l. 1. Ephemer. nat. curios. dec. 3. ann. 2.

(s) Wepfer. cicut. aquat. Ephemer. nat. cur. dec. an. 1 & 2. Journ. de Médec. Novembre 1758.

(f) Skenxius obser. med. lib. 7. Hildanus cen.

4. pessima memorat symptomata, cuidam accidisse, qui manibus fungos versabat.

(u) Authores plurimi de rore venenato, ludæ rubigali, & nebulis scripserunt, quæ cum inficiebant, fructus & fuges, morbos epidemicos procreabant, vel aliis gravibus effectibus malitiam suam prodibant, vide Ramazzini, constitut. Epid. Ephemer. nat. curios. dec. 3. an. 9.

la lethifera, alimentis vitium inducunt. quo vim morbosam & virulentam acquirunt: his vili pretio emptis, sese ingurgitat plebs, undè quo abundantior fuit annus fructibus, eo etiam frequentiores sunt diarrhæ, dysenterix, colicæ. » cum Parisiis (x) anno 1671. immodicus foret fructuum fugacium esus, vagata sunt tormina, fluores alvi. » Tantus horum ciborum acor est, ut etiam athleticâ sanitate fruentibus, graviora mala procreent, & imprimis colicam illam horrendam à colicâ pïctonum non ab similem, cujus historia accuratè & elegantes extant, in operibus doctissimi Citois, (y) & Medicinæ practici prætantissimi Huxham, (z) quibus morbis careret plebs, si fructus immaturi huc non deferrentur, nec ad ementium ingluviem venderentur.

Lactis bonitas & sinceritas ne adulteretur, eo magis invigilandum est, quod cum ejus alimenti usus sit frequens omnibus, serè unicus est infantibus in ætate ternerrimâ, & iis etiam quos aut natura imbecilles facit aut valetudo, illis vel minimum lactis vitium potest nocere. Sæpissimè Parisiis lac deterioratur aquâ infusâ, vel vitiatum immixto fare, aut cum vaccæ amili vel cerevisiæ face vescuntur, quæ quidem legibus severissimis Magistratus coercere valde interest.

Non minima victus pars caro est, sed quam referat, illam absque censurâ publicâ divendi, probant morbi epidemici (a) qui pestes bovillas & vervecinas pluries secuti fuerunt. Quidquid in escam assumitur, suam non penitus exiit indolem, putridis, & corruptioni proximis, alimentis, chylum & sanguinem corrumpi necesse est, ad morbosque accedere. Omnino igitur à macellis arceantur, animalia macilenta & quovis morbo laborantia, carnes fœtidæ & grandinosæ; caveaturque ne carnes illæ sale condiantur, fumove indurentur.

Pisces aliquando, morborum in vulgus grassantium, causæ sunt; plebs enim in usum cedit illud alimentum, cum pisces, sive mortui sint, sive ex aquis sordidis eruti, cœnum oleant & sapiant, vili pretio venduntur. Præterea piscium ingurgitatio, his hominibus insolens, periculosior fit; unde litorales incolæ, qui pisces in sicco manentes & pereuntes edunt, morbis pestilentialibus vexantur. Nonnulli post debitam explorationem veneant pisces, ne venditores piscem mortuum sanguine recenti aspergendo fallant emptores: prohibeatur ne sedeant mercatores, ut apud Romanos sancitum erat; merces vendere festinantium non putrescent; caveaturque ne haleces nisi bonæ notæ desiccantur.

Cum salutis publicæ commodo, amovebuntur mytuli amplis valvis, ostrea tempestate servidâ tantum, ut & ova mustelæ & lucii quæ comesta choleram & diarrhæam cient.

Nulla tempore, plures & graviores morbi ingruunt, quam annonæ caritate, aut adhuc recenti, aut diu sæviente: tunc enim inops plebecula, pravis alimentis impletur; quodque non minus funestum, penuriæ copiâ succedente, cibis sese ingurgitat: ex his verum fit adagium, pestis post famem. Sed hanc calamitatem cum a nobis avertat pia magistratuum cura, præcavere omnino supervacaneum est.

Non intempestive hic admonere possem, singulis diebus quam plurimos cives in sanitatis & etiam vitæ discrimen adduci, dum in coquendis obsoniis, crateris de cupro confectis incautius untuntur; sed meam curam antevertit (b).

(x) Ballonn. Ephem. ann. 1671.

(y) De novo & populari apud pïctones dolore colico bilioso.

(z) De morbo epico damnoniorum,

(a) Ephem. nat. cur. dec. an. 6.

Kircher de peste.

Fernel pãthol. de morb. intest.

(b) Quæstio med. an ab omni re cibariâ vasa ænea prorsus ableganda; 1749.

D. Thiery Doctoris Par. industria quæ hoc argumentum ita cumulavit, ut nihil jam possit accedere; cujus monita ratione simul & experientiâ munita, metallum exitiosissimum jam pridem à nostris culinibus debuissent ablegare. Illud tantum studio publicæ sanitatis exoptabo, ut non liceat vasis cupreis uti iis qui hominum eodem convictu degentium mensas curant, vel cerevisiam coquunt, vel fructus saccharo condiunt.

## V.

**M**ULTÆ adhuc sunt causæ sanitati civium infensæ, quæ, quanquam non tam latè in omnes grassantur, quàm, aër, aqua, panis, magistratuum tamen oculis in se convertere debent, cum inde complures cives vel laborent vel etiam intereant.

Ex subtilissimis calcis vivæ & gypsi vaporibus, frequentissima oriuntur incommoda in hac urbe, in quâ multæ ædes extruuntur & veteres sæpius calce aut gypso obducuntur & dealbantur. Dum extinguitur calx, vapores acres corrosivi asurgunt, quibus os, fauces, pulmones fabrorum murriorum asperantur, totusque eorum deturpatur habitus. Eadem & graviora adhuc mala imminet iis qui domos recenter vel extructas vel calce aut gypso obductas incolunt. Aqua maxima quantitate absorpta, dum calx extinguitur, & gypsum humectatur, paulatim ex parietibus cubiculi calore attrahitur, & cum eâ acres calcis & gypsi particulæ in aerem miscentur: quidam accensis ignibus student arefacere domos, hac cautione periculum depelli existimantes, sed falluntur; humido aëre, iterum imbuuntur calx parietis, illaque vim deleteriam mox rursus exeret, cum cubiculi calor, evaporationi novæ huius acæ scærentis salibus acribus, favebit. Falsum terrorem hic non incuti, probatur experientiâ (a). Hippocrates qui in morborum historiis, non nisi res maximi momenti refert, scripsit Hermocratem, qui juxta murum novum decumbebat igne correptum fuisse. Jovianus Imperator diutius moratus in conclavi recenter calce incrustato extinctus est. Cum musæum jam vetus calce illini curasset Ramazzini, & sex mensibus transactis ibi habitasset, acutâ febre correptus est. Tres infantes cum in camera, non ita pridem calce obductâ dormiissent intra duos dies suffocati perierunt. Ex his satis patet, quantâ cum omnium utilitate sanciretur, ne domus recenter vel extructæ, vel calce & gypso obductæ; & dealbatæ, tam citò incolerentur: apud Romanos edicto vetitum fuisse, testatur Plinius (b), ne æde recentiore trimâ uteretur redemptor.

Morem apud nonnullos innoxium habitum non possum quin hic reprehendam ut exitiosissimum. Tam in ædibus divitum quàm in artificum casis, parietes coloribus variis illitos videas, intra quos vel recentissimos quoque habitare non dubitant: illorum ædes superinducuntur resinis spiritu vini solutis, quibus olea etiam adduntur: horum tuguria argillâ oleo subactâ illinuntur quarum mixtionum utramque pariter assero noxiam. Odores sunt vel fluida vel solida in particulas adeo tenues resoluta, ut ab aëre sustineantur, cujus vehiculo, aliæ ad organa sive odoratus sive gustûs deferuntur, aliæ infra pectus & ventriculum recipiuntur, aliæ denique toti corporis superficiei circumfunduntur, & iis in locis varia edunt phænomena. Odores in nervos agere ex effectuum celeritate deprehenditur, quæ actio nunc intensior nunc diuturnior, sive sensatio jucunda sit sive injucunda, aut nervos nimis irritat aut eorum sensum hebetat, adeoque odore vivido & assiduo minuetur odoratus & adulterabitur, appetitus languescet, caput gravabitur, pectus laborabit: si materia unde odor effluit sit acris & corrosiva, prædicta symptomata increbrescent & difficilior

(a) Hippoc. Epid. lib. 3.

Ramazzini. l. c. Tulpus. lib. 3.

Hoffm. tom. 1. part. 2. cap. 9.

(b) Plin. hist. nat. l. 36. cap. 23.

curabuntur; quod quidem periculum, præcipuè calores oleo subacti, minantur; scilicet oleum quo in eam rem utuntur, aut jam est, aut citò fit rancidum, totumque aëre ebibitur, cum id tantum artifici præstiterit, ut colores hærent.

Apud plebem potissimum mos exitialis est, multorum singulis hiemibus civium perniciēs. Ii quibus parandorum lignorum, copia non suppetit, prunis utuntur, quarum calore & exhalationibus brevi solvitur aeris elasticitas, & ille celeriter necem omnibus animalibus infert; id testantur tristia & frequentissima exempla quæ passim occurrunt, physica & medica monumenta evolventibus. Plebi pravissimæ cuique consuetudini ineluctabiliter addictæ, errorem quo ducitur eripere forsan impossibile est: at multi certè tum à morbis, tum ab ipsâ morte præstarentur incolumes, si hunc morem publicis utriusque sexus hospitiiis, usurpari nefas esset. Cum hypocausta quibus prunæ continentur è cupro conficiuntur, periculum augefcit, exhalationibus quas emitit cuprum candens, ad vaporem carbonum accedentibus. Hypocausta etiam è ferro vel ære confecta non innoxia censenda esse probat experientia; aer inquinatus effluviis ferri & aeris calesfacti, in sefe illico excitavit convulsiones & agonem intrâ minutum: illi effectus calori immeritò tribuerentur, cum aer qui per vitrum candefactum transivit nequaquam nocuerit respirationi.

Haud scio an quisquam de republicâ & plebe præclariùs mereretur quam quæretaret, ne artem obstetricariam ullæ mulieres, nisi de quarum peritiâ & probitate constat, profiterentur. Innumeri casus quibus fœminarum vulgus obnoxium est, earumdem ut plurimum depravata constitutio, partus faciscunt diffciles & præternaturales, crebriores quam vulgò existimant; tum verò ignara vel imperita obfetrix infanti vel lucem nondum conspectam, vel matrem nondum cognitam præripere potest, aut etiam, utroque necato, suâ spe fraudare civitatem, aut vulnerato saltem, inutili pondere onerare rempublicam. Quæ mala non aliter præcaveri possunt, quam si peritissimæ tantum comprobentur obstetrices; quibus etiam illud injungi valdè appositum esset, ut in diffcilioribus casibus, ad Medicos vel Chirurgos partus eliciendi peritos, confugerent. Sed illud maximè reipublicæ expediret, ut annua pecunia ex ærario administraretur viris in arte obstetricariâ peritis, quibus plebs gratis uteretur. Jam non videres partum etiamnum immaturum, necdum à naturâ satis caducum, avaritiâ festinari, & à naturali in præternaturalem subverti (c): plus certè Reipublicæ ex ejus instituti commodo accederet, quam sumptu detraheretur.

Lupanaribus etiam magistratum invigilare, utilissimum foret: corrumpere & corrumpti ludus censetur hodie, & à sæculi moribus non veniam tantum, sed ferme plausum invenit; quaque viâ Parisiis suum habet lupanare, quæque fore domus suam meretricem agnoscit. Juventus in vitium flecti cerea, ad venerea invitatur certamina, quibus succos robusto corpori constituendo aptos consumit: brevi corporis robur & animi vigor prosteruntur, languore & tabo dorsali pereunt multi, superstitisque, si aliquam, debilem, procreant sobolem, nec belli nec pacis operibus idoneam: sed non ea sola sunt, blandientis & perfidæ dææ munera; lues venerea ante trecentos annos incognita, medicos frequentius hodie exercet quàm quilibet alius morbus (d). Impurâ vagâque venere, quâ nihil pestilentius est, longe latèque disseminatur virus horrendum, quod acerbis cruciatibus miseros plerumque opprimit: cum vero adeo felices sunt, ut me-

(c) Encyclopedie art. enfantement.

(d) Facete sed vere dixit Pangloss. On peut  
batailla rangée contre des troupes égales en nom-  
bre, il y a environ 10000 V. . . de chaque côté.  
assurer que quand 30000 hommes combattent en  
Candide ou l'Optimisme, pag. 27.



Alimentis extinctum fuerit venenum, vitâ languenti, morbis obnoxia, & senio præmature, pœnas suæ, vel parentum, vel nutricis insipientiæ debitas persolvunt. Ex illa promiscuâ scortatione, quâ plebs lue venereâ fere totus inficitur, prole numerosâ destituitur respublica, inutilibusque obruitur civibus: maxima igitur in hac urbe calamitas metuenda est, si tantis malis non occurratur vel scortationem omnem legum asperitate coercendo, vel quodlibet aliud remedium afferendo. Si lupanaria permitti necessum videtur, vel illa reprimi impossibile sit (e), expediret ut meretrices identidem explorarentur, & lue venerea inquinatæ sumptibus publicis curarentur, & non nisi expurgatæ & sanæ dimitterentur; sic forte virus venereum mansuesceret.

Sanitati publicæ adhuc consuleretur, si nutrices quæ huc ex viciniâ accedunt, infantes ablactandos accepturæ, explorationi subicerentur, & infantes sani; sanis nutricibus crederentur; & si infantes e parentibus lue venereâ infectis orti, non a mulieribus alerentur, ne contagio ad eas pertineret, sed aliis quibuscunque rationibus, hucusque diversimode (f) excogitatis.

Nihil funestius civium salutis, nihilque Parisiis frequentius quam medicastri; agyrtæ, milites, herbarii, vetulæ, & sexcenti alii ejusdem farinae, qui Hygeæ sacra illotis aggregdiuntur manibus.

*Finxit se Medicum quivis idiota, sacerdos,*

*Judeus, vates, histrio, raptor, anus.*

Quam infelix plebs, quæ stultitiâ suâ tot mala quibus laborat etiam certis cumulat periculis, dum obvio cuilibet inepto, sanitatis sponfori, se credere non dubitat! Inter eos circumforaneos, plurimos reperias, qui remediis perperam adhibitis, aut etiam veneno quo utuntur, arsenico, saccharo Saturni, sublimate corrolivo &c. vel ingestis vel applicatis, millies mernerunt mortem, quâ tot alios crudeliter enecarunt: alii crumenarum emunctores, ineptis remediis dum plebeculam deludunt stolidam surum numero deberent accenseri. (g) » Unam Magistratus » quos Deus veluti patres familias constituit, impostores illos, qui ubique fere tam » arrogant ludunt de corio humano, ex officio reprimant, » nec unicuique licitum sit sanitatis & vitæ periculum adire, cives enim non sui sunt, sed reipublicæ. Ex eo etiam major utilitas reipublicæ afferretur, si nulli alii medicinam in hac urbe exercerent, nisi qui prius huic collegio fuissent aggregati; incidunt enim sæpe casus difficiles, quibus vel peritissimus quisque hæreat anxius, & egeat consilio, quo quidem auxilio caret æger qui, nullo suo jure medicinam in hac urbe facienti, vitam credit imprudens.

Heroica medicamenta dicuntur, quorum ea vis est & celeritas, ut cito vel ad vitam reducant vel in mortem præcipitent, vel morbis insanabilibus afficiant; qualia sunt mercurialia, antimonialia, opiatia, drastica, &c. Ea adhibeantur vel non, maximi est momenti. Intempestivè enim præscriptis iis, vel dosi justo majori ingestis, vita & sanitas periclitantur. Multis itaque occurreretur malis, si vetaretur ne ejusmodi remedia ab ignavis vulgarentur, aut etiam ab iis, quibus est jus, distribuerentur, nisi ex jussu Medici probati, & in hac urbe medicinam suo jure exercentis.

Sunt quædam remedia quæ ne distribuuntur valdè conducit, quia scilicet accedente ad indolem vitiosissimam summâ celebritate, plurima inde nascuntur pericula. Hujus generis est pulvis *d'Aillot* quem D. Thierry D. P. probavit (h) nocentissimum; aut quia prorsus inepta, qualia *les Sachets d'Arnou*, utentibus afferunt securitatem, cujuslibet aliûs remedii efficacioris contemptricem. Illud præ-

(e) *Traité de la Police*, T. 1. l. 3. Tit. 3.

(f) Falcoet, *système des fièvres* p. 112.

Mr. Vandermonde D. P. perfect, de l'esp

hum. t. 2.

(g) Hildanus cent.

(h) *Journal de Médecine*, Mai, 1758.

terea mihi liceat, cum celeberrimo chymico jam laudato exoptare, ut palam & uno tantum modo conficiantur medicamenta quædam, ut tartarum stibiatum vinum antimonii, &c. quorum sua vis, & dosis præscribenda, ab ipso conficendi methodo (i) pendent; quis verò ignorat, vim remedii non accuratè spectatam & Medico nocere, qui id quod intendit non assequitur, & ægro, apud quem, medicamentum vel languet iners vel furit nocens.

Argumentum immensum delibavi, quod ut quantum patet & valet exponeretur tempore opus esset diuturniori, quàm per quotidiana licentiæ cursus studia suppetit; judicabit quisque, an ex paucis quæ scripta sunt, jure ac merito mecum concludi possit.

(i) Multæ ab iis apud quos venalia proficiunt medicamenta, fraudes & mangonia admittuntur, magno publicæ sanitatis detrimento, quæ omnibus detegi expediret, sed arduum opus est, quod non cujusquam perfectius, quam D. Rouelle auspiciis prodeat, sive spectetur utilitas, quæ civem patriæ studiosissimum, sive scientia, quæ chemicum exposcit peritissimum.

*Ergò Medicis & Magistratibus conspirantibus, sanitas publica conservari, & morbi præcaveri possunt.*

Proponerebat Parisiis ACHILLES GUILLELMUS LEBEGUE DE PRESLE, Aurelianensis, Doctor Medicus Remensis, saluberrimæ Facultatis Medicinæ Parisiensis Baccalaureus, Theſeos Author, A. R. S. H. 1759.

A SEXTA AD MERIDIEM,